

## 8. gr.

Trúfélagsskráning nýfædds barns fylgir trúfélagsaðild móður samkvæmt þjóðskrá, nema annað sé tilkynnt í samræmi við ákvæði 3. gr. Auk foreldra getur sóknarprestur, eða löggildur prestur eða forstöðumaður utanþjóðkirkjusafnaðar, látið slíka tilkynningu í té, samkvæmt skriflegu eða munnlegu umboði foreldra.

Trúfélagsskráning barns, yngra en 16 ára, sem flytzt hingað til lands frá út- löndum, fylgir trúfélagsaðild móður, ef annað er ekki upplýst.

## 9. gr.

Auglýsing þessi er gefin út í samráði við kirkjumálaráðuneytið.

*Fjármálaráðherrann, 8. nóvember 1966.*

**Magnús Jónsson.**

*Klemens Tryggvason.*

**REGLUGERÐ**

**um breytingu á reglugerð nr. 44 8. marz 1965, um þjóðvegi í kaupstöðum og kauptúnum.**

## 1. gr.

Í upptalningu þjóðvega í 1. gr. reglugerðarinnar skulu þjóðvegir í Kópavogi og Suðureyri teljast:

**Kópvogur:**

Hafnarfjarðarvegur frá Fossvogslæk að Hlíðarvegi.

**Suðureyri:**

Súgandafjarðarvegur frá Höfða innan við syðsta hús um Aðalgötu út á móts við læk, sem rennur utan til við yzta hús kaupsinsins á svokölluðu Stekkjarnesi.

Reglugerð þessi, sem sett er samkvæmt vegalögum, nr. 71 30. desember 1963, öðlast þegar gildi og birtist til eftirbreytni öllum þeim, sem hlut eiga að máli.

*Samgöngumálaráðuneytið, 16. september 1966.*

**Ingólfur Jónsson.**

*Gunnar Vagnsson.*

**SAMÞYKKT**

**um afgreiðslutíma verzlana á Akranesi.**

## 1. gr.

Samþykktin nær til hvers konar smásöluverzlana á Akranesi, þ. á m. söluturna, svo og einnig til brauð- og mjólkurbúða

Undanþegnar ákvæðum samþykktarinnar eru þó lyfjabúðir, bifreiðastöðvar og benzínafgreiðslur.

Ef ágreiningur ris um skilning á ákvæðum samþykktar þessarar, úrskurðar bæjarstjórn það, en skjóta má þeim til ráðherra, og er úrskurður hans endanlegur.

### 2. gr.

Daglegur afgreiðslutími smásöluverzlana og annarra sölustaða, er samþykkt þessi tekur til, skal vera sem hér segir, nema öðruvísi sé sérstaklega ákveðið í samþykkt-inni.

Virka daga skal heimilt að opna sölustaði kl. 8.00 og loka skal þeim eigi síðar en kl. 18.00.

Á föstudögum skal heimilt að halda sölustöðum opnum til kl. 19.00. Á laugardögum skal heimilt að halda sölustöðum opnum til kl. 13.00 á tímabilinu 1. október til 30. apríl, en til kl. 12.00 frá 1. maí til 30. sept.

Síðasta virkan dag fyrir aðfangadag jóla skal heimilt að hafa verzlanir opnar til kl. 24.00.

Mjólkur- og brauðbúðir mega vera opnar kl. 8.00 til kl. 16.00 á laugardögum og sunnudögum.

### 3. gr.

Söluturnar mega vera opnar kl. 08.00 til kl. 23.30. Sölustaðir þeir, sem um getur í 1. mgr., skulu algerlega aðgreindir frá verzlunum eða birgðageymslu verzlunar, og má sala þar einungis fara fram um söluop.

Þar skal heimilt að selja kort, frímerki, dagblöð, tímarit, ritföng, rafmagnsör-yggi, nýja ávexti, ís, sælgæti, tóbaksvörur, eldspýtur, öl, gosdrykki, heitar pylsur, rakblöð, raksápu, tannkrem, rafhlöðu, rafmagnsperur, spil og skyndiplástur, niður-soðna ávexti, kaffi, filmur, nylonsokka, innpakkað kex, sólgleraugu, hárgreiður, hárlakk og harðfisk.

### 4. gr.

Um lokun sölustaða á einstökum helgidögum og hátíðisdögum gildir eftirfar-andi reglur:

- A. Föstudaginn langa, páskadag, hvítasunnudag og jóladag skal öllum sölustöðum lokað allan daginn.
- B. Alla sunnudaga, nýársdag, skírdag, annan páskadag, sumardaginn fyrsta, annan hvítasunnudag, uppstigningardag, 17. júní, fyrsta mánudag í ágúst og annan jóladag, skal sölustöðum lokað allan daginn, sbr. þó undantekningarákvæði í 2.—3. gr.
- C. Aðfangadag jóla og gamlársdag skal öllum sölustöðum lokað eigi síðar en kl. 12.00.

### 5. gr.

Lögreglustjóri getur heimilað í einstökum tilfellum rýmri sölutíma en segir í samþykkt þessari, þegar hann telur sérstaka ástæðu til, meðal annars þegar ákveðið er, að ágóði af sölu renni til almenningsheilla.

### 6. gr.

Bæjarstjórn skal taka fyrir leyfi til að reka söluturna og leyfi skv. 5. gr. til-tekið gjald í bæjarsjóð. Upphæð gjaldsins ákveður viðkomandi ráðuneyti, sam-kvæmt tillögu bæjarstjórnar, fyrir eitt ár í senn.

Ef leyfishafi brýtur samþykkt þessa eða skilyrði, sem bæjarráð, heilbrigðis-nefnd eða lögreglustjóri setur fyrir leyfi, eða rekstur sölustaða þykir ekki fara vel úr hendi, má bæjarráð svipta leyfishafa leyfinu, enda hafi leyfishafi ekki látið segjast við aðvörun.

## 7. gr.

Brot gegn samþykkt þessari varðar sektum.

Með mál út af brotum á samþykktinni skal farið að hætti opinberra mála.

## 8. gr.

Samþykkt þessi, sem bæjarstjórn Akraness hefur samið og samþykkt samkvæmt lögum nr. 17. 1. febrúar 1936, um lokunartíma sölubúða, öðlast gildi 1. jan. 1967, með þeim takmörkunum þó, sem lög nr. 45 15. júní 1926, um almannafríð á helgidögum Þjóðkirkjunnar setja.

Jafnframt er úr gildi felld samþykkt um lokun sölubúða á Akranesi nr. 54 11. marz 1954 og birtist til eftirbreytni öllum þeim, sem hlut eiga að máli.

## Ákvæði til bráðabirgða.

Leyfi til kvöldsölu, sem nú eru í gildi, skulu halda gildi sínu til og með 31. des. 1966.

*Félagsmálaráðuneytið, 28. september 1966.*

F. h. r.

**Hjálmar Vilhjálmsson.**

*Gunnlaugur Þórðarson.*

**REGLUGERÐ****um bólusetningu sauðfjár til varnar garnaveiki.**

## 1. gr.

Bólusetning til varnar garnaveiki skal framkvæmd á öllum ásetningslömbum, ár hvert í eftirtöldum sýslum og bæjarfélögum: Rangárvallasýslu, Árnassýslu, Gullbringu- og Kjósarsýslu, Reykjavík, Hafnarfirði, Kópavogi, Keflavík, Borgarfjarðarsýslu ofan Skorradalsgirðingar, Mýrasýslu austan Langár, Húnavatnssýslu austan Blöndu, Skagafjarðarsýslu, Sauðárkróki, Eyjafjarðarsýslu, Akureyri, Siglufirði, Ólafsfirði, Suður-Þingeyjarsýslu vestan Skjálfandafljóts, Norður-Þingeyjarsýslu austan Jökulsár á Fjöllum, Norður-Múlasýslu, Seyðisfirði, Suður-Múlasýslu, Neskaupstað og Austur-Skaftafellssýslu austan Hornafjarðarfljóts.

Ef ástæða þykir til, getur landbúnaðarráðherra að fengnum tillögum sauðfjár-sjúkdómanefndar og yfirdýralæknis, fyrirskipað bólusetningu í sama skyni í öðrum héruðum en að ofan getur.

## 2. gr.

Bólusetning skal fara fram á tímabilinu 15. september til 31. desember ár hvert.

## 3. gr.

Sýslumenn eða lögreglustjórar skulu í samráði við sauðfjár-sjúkdómanefnd skipa einn eftirlitsmann í hverri sýslu eða bæjarfélagi, til 5 ára í senn. Eftirlitsmenn skulu í samráði við hreppsnefndir (bæjarstjórnir) útnefna bólusetningarmenn, einn til tvo í hverjum hreppi eða bæjarfélagi.